



*საქართველოს მთავარი პროკურატურის და სსიპ აღსრულების ეროვნული ბიუროს
ერთობლივი ტენდერი*

სატენდერო დოკუმენტაცია

2014 წელი

CPV – 66500000

(დეტალური კოდები 66511000; 66512000; 66512100; 66512200; 66512220)

სამედიცინო სადაზღვევო მომსახურების შესყიდვა

(ელექტრონული ტენდერი)

აღნიშნული ტენდერი ხორციელდება ერთობლივად საქართველოს მთავარი პროკურატურის და სსიპ აღსრულების ეროვნული ბიუროს მიერ, საქართველოს იუსტიციის მინისტრის 2014 წლის 24 იანვრის, საქართველოს მთავარი პროკურატურის და სსიპ აღსრულების ეროვნული ბიუროს თანამშრომლების და მათი ოჯახის წევრების სიცოცხლისა და ჯანმრთელობის სამედიცინო სადაზღვევო მომსახურების სახელმწიფო შესყიდვის ერთობლივად განხორციელების შესახებ №76 ბრძანების საფუძველზე, „სახელმწიფო შესყიდვების შესახებ“ საქართველოს კანონის მე-9 მუხლის 1¹ პუნქტისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-4 მუხლის შესაბამისად.

ქ. თბილისი გორგასლის ქ. №24.

1. ინსტრუქცია ელექტრონულ ტენდერში მონაწილეთათვის

- 1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონულ სისტემაში (შემდგომში - სისტემა).
- 1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
- 1.3. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
- 1.5. სახელმწიფო შესყიდვების ერთიან ელექტრონულ სისტემაში (შემდგომში - სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
- 1.6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.7. პრედენდენტს არა აქვს უფლება წარმოადგინოს ალტერნატიული წინადადება.
- 1.8. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ.თბილისი, გორგასალის ქ. №24 მე-2 სართული ოთახი №202. საკონტაქტო პირი: აკაკი მურადიშვილი ტელ: 240 50 56.

2. საკვალიფიკაციო მოთხოვნები:

2.1. საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები ან/და ინფორმაცია:

- ა) ამონაწერი სამეწარმეო რეესტრიდან;
- ბ) ცნობა უფლებამოსილი ორგანოდან რომ არ მიმდინარეობს გადახდისუუნარობის საქმის წარმოება;
- გ) ცნობა უფლებამოსილი ორგანოდან, რომ მის მიმართ არ ხორციელდება რეორგანიზაცია ან ლიკვიდაცია;
- დ) ცნობა უფლებამოსილი ორგანოდან, ბიუჯეტთან დავალიანების არარსებობის შესახებ.

2.2. პრეტენდენტის მიერ სისტემაში ასატვირთი მონაცემები:

- ა) ტექნიკური დავალების შესაბამისად შედგენილ მომსახურების ტარიფები (დანართი №1).
- ბ) ანალოგიური მომსახურების გაწევის არანაკლებ ბოლო 2 წლიანი (2012-2013 წელი) გამოცდილება (წარმოდგენილი უნდა იქნას აღნიშნულის შესახებ ინფორმაცია).
- გ) პრეტენდენტის დასახელება, იურიდიული და ფაქტიური მისამართი, საკონტაქტო ტელეფონის ნომერი და ელექტრონული ფოსტის მისამართი, საბანკო რეკვიზიტები, ხელმძღვანელის და საკონტაქტო პირის სახელი და გვარი.
- დ) პროვაიდერი კლინიკების სია საქართველოს მთელ ტერიტორიაზე.
- ე) სადაზღვევო საქმიანობის ლიცენზიის ასლი (2012-2013 წელი);
- ვ) ინფორმაცია ბოლო ორი წლის განმავლობაში სამედიცინო დაზღვევაზე ანაზღაურებული ზარალისა და მოზიდული პრემიის შესახებ

შენიშვნა:

ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენებით, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინს პრეტენდენტის დისკვალიფიკაციას.

2.4. წინასწარი ანგარიშსწორება (ავანსი) არ გამოიყენება.

2.5. ტენდერში გამოყენებული იქნება ხელშეკრულების შესრულების უზრუნველყოფის საბანკო გარანტია 2%-ის ოდენობით, რომელიც მიმწოდებლის მიერ წარმოდგენილი უნდა იქნას ხელშეკრულების დადებამდე თითოეული შემსყიდველისათვის ცალ-ცალკე.

3. ტექნიკური დოკუმენტაცია

3.1 ანგარიშწორების პირობები:

3.1.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.1.2 სატენდერო წინადადების საერთო ფასის წარმოდგენა დასაშვებია: **მხოლოდ ლარში.**

3.1.3. ანგარიშწორება მოხდება უნაღდო ანგარიშწორებით ლარში.

3.1.4. ანგარიშწორება მოხდება ეტაპობრივად, მიღება-ჩაბარების აქტის გაფორმებიდან 30 (ოცდაათი) დღის განმავლობაში.

3.1.5. ანგარიშწორებას განახორციელებს:

ა) საქართველოს მთავარი პროკურატურა - 2014 წელს სავარაუდოდ - 619 650 (ექვსასცხრამეტი ათას ექვსასორმოცდაათი) ლარის, 2015 წელს სავარაუდოდ - 826 200 (რვაასოცდაექვსი ათას ორასი) ლარის, 2016 წელს სავარაუდოდ - 206 550 (ორასექვსი ათას ხუთასორმოცდაათი) ლარის ფარგლებში;

ბ) სსიპ აღსრულების ეროვნული ბიურო - 2014 წელს სავარაუდოდ - 307 800 (სამასშვიდი ათას რვაასი) ლარის, 2015 წელს სავარაუდოდ - 410 400 (ოთხასთოთხმეტი ათას ოთხასი) ლარის, 2016 წელს - 102 600 (ასორი ათას ექვსასი) ლარის ფარგლებში;

3.1.6. დაფინანსების წყარო:

საქართველოს მთავარი პროკურატურა - 2014-2015-2016 წლების სახელმწიფო ბიუჯეტი.

სსიპ აღსრულების ეროვნული ბიურო- საკუთარი შემოსავლები.

საქართველოს პროკურატურისა და სსიპ აღსრულების ეროვნული ბიუროს თანამშრომლების

სამედიცინო დაზღვევის მომსახურება

I ჯგუფი

ერთი ადამიანის დაზღვევაზე ერთი წლის განმავლობაში ლიმიტები

1	ასისტანსი (24 საათიანი საინფორმაციო საკონსულტაციო მომსახურება)	100% ულიმიტო
2	ოჯახის (პირადი) ექიმის მომსახურება	100% ულიმიტო
3	პროფილაქტიკური გამოკვლევა	წელიწადში ორჯერ
4	სასწრაფო სამედიცინო დახმარება	100% ულიმიტო
5	გადაუდებელი ჰოსპიტალური მომსახურება	100% 15000 ლარი
6	გეგმიური ჰოსპიტალური მომსახურება	100% 12000 ლარი
7	ონკოლოგია	100% 12000 ლარი
8	ამბულატორული მომსახურება	85 % ულიმიტო
9	მედიკამენტების ანაზღაურება ექიმის დანიშნულებით	85 % ულიმიტო
10	მედიკამენტების ანაზღაურება ექიმის დანიშნულების გარეშე	100% 50 ლარი
11	გადაუდებელი სტომატოლოგიური მომსახურება	100 % ულიმიტო
12	გეგმიური სტომატოლოგიური მომსახურება	85% 1000 ლარი
13	ორსულობა/შშობიარობა	100% 1500 ლარი
14	სამოგზაურო დაზღვევა	წლიური მრავალჯერადი 50000 USD
15	სიცოცხლის დაზღვევა (ვრცელდება თანამშრომლებზე)	15 000 ლარი
16	უბედური შემთხვევისგან დაზღვევა (ვრცელდება თანამშრომლებზე)	15 000 ლარი

II ჯგუფი

ერთი ადამიანის დაზღვევაზე ერთი წლის განმავლობაში ლიმიტები

1	ასისტანსი (24 საათიანი საინფორმაციო საკონსულტაციო მომსახურება)	100% ულიმიტო
2	ოჯახის (პირადი) ექიმის მომსახურება	100% ულიმიტო
3	პროფილაქტიკური გამოკვლევა	წელიწადში ორჯერ
4	სასწრაფო სამედიცინო დახმარება	100% ულიმიტო
5	გადაუდებელი ჰოსპიტალური მომსახურება	100% 15000 ლარი
6	გეგმიური ჰოსპიტალური მომსახურება	100% 12000 ლარი
7	ონკოლოგია	100% 12000 ლარი
8	ამბულატორული მომსახურება	70 % 500 ლარი
9	მედიკამენტების ანაზღაურება ექიმის დანიშნულებით	50 % 500 ლარი
10	მედიკამენტების ანაზღაურება ექიმის დანიშნულების გარეშე	100% 50 ლარი
11	გადაუდებელი სტომატოლოგიური მომსახურება	100 % ულიმიტო
12	გეგმიური სტომატოლოგიური მომსახურება	60% 700 ლარი
13	ორსულობა/მშობიარობა	50% 800 ლარი
14	სამოგზაურო დაზღვევა	წლიური მრავალჯერადი 50000 USD
15	სიცოცხლის დაზღვევა (ვრცელდება თანამშრომლებზე)	5 000 ლარი
16	უბედური შემთხვევისგან დაზღვევა (ვრცელდება თანამშრომლებზე)	10 000 ლარი

- სატენდერო წინადადებაში წარმოდგენილი უნდა იქნას ერთი ადამიანის (ერთი ოჯახის) დაზღვევის ფასი ერთი წლის განმავლობაში დანართი №1-ის შესაბამისად;
- ლიმიტები ეხება ოჯახის თითოეულ წევრს (მეუღლეს და არასრულწლოვან შვილს ან/და შვილებს);
- ტექნიკურ დავალებაში მოცემული მომსახურება გაწეული უნდა იქნას საქართველოში მოქმედ ლიცენზირებულ სამედიცინო დაწესებულებებში სურვილისამებრ;
- I ჯგუფში გაერთიანებულ დასაზღვევი საქართველოს პროკურატურის თანამშრომლების სავარაუდო რაოდენობა შეადგენს 600 ადამიანს, ხოლო სსიპ აღსრულების ეროვნული ბიუროს თანამშრომლების - 355 ადამიანს;
- II ჯგუფში გაერთიანებულ დასაზღვევი საქართველოს პროკურატურის თანამშრომლების სავარაუდო რაოდენობა შეადგენს 330; ხოლო სსიპ აღსრულების ეროვნული ბიუროს თანამშრომლების - 50 ადამიანს;
- თანამშრომელთა დაზღვევა უნდა განხორციელდეს საქართველოს მთელს ტერიტორიაზე;

9. თანამშრომლებს, რომლებიც განთავისუფლებიან საქართველოს პროკურატურაში ან/და სსიპ აღსრულების ეროვნული ბიუროში დაკავებული თანამდებობიდან, განთავისუფლების დღიდან შეუწყდებათ აღნიშნული სადაზღვევო მომსახურება, ხოლო ახლადმიღებულ თანამშრომლებზე დანიშნვის დღიდან გავრცელდება აღნიშნული სადაზღვევო მომსახურება. სასურველია პრეტენდენტებმა განახორციელონ დამატებითი ბონუს მომსახურების შემოთავაზება;
10. ლიცენზირებული კლინიკების ჩამონათვალი:
- ა) თბილისი - არანაკლებ 3 კლინიკა ოჯახის ექიმების მომსახურებით, არანაკლებ 10 ამბულატორიული მომსახურების ცენტრი, არანაკლებ 10 ჰოსპიტალური მომსახურების ცენტრი, არანაკლებ 3 სამშობიარო კლინიკა, არანაკლებ 3 თვალის კლინიკა, არანაკლებ 10 სტომატოლოგიური კლინიკა;
 - ბ) რეგიონალური ცენტრები არანაკლებ 1 ოჯახის ექიმი, არანაკლებ 1 ამბულატორიული მომსახურების ცენტრი, არანაკლებ 1 ჰოსპიტალური მომსახურების ცენტრი, არანაკლებ 1 სამშობიარო კლინიკა, არანაკლებ 1 სტომატოლოგიური კლინიკა;
 - გ) ქალაქებში გარდა (თბილისის და რეგიონალური ცენტრებისა) არანაკლებ 1 ოჯახის ექიმი, არანაკლებ 1 ამბულატორიული მომსახურების ცენტრი, არანაკლებ 1 ჰოსპიტალური მომსახურების ცენტრი, არანაკლებ 1 სტომატოლოგიური კლინიკა;
11. ხელშეკრულების მოქმედების პერიოდში, პროვაიდერი კლინიკის მინიმალური რაოდენობა უნდა დარჩეს უცვლელი რეგიონების მიხედვით. თუ რომელიმე პროვაიდერ კლინიკასთან მოხდა ურთიერთობის შეწყვეტა, აუცილებელია 1 თვის ვადაში მოხდეს ახალი პროვაიდერის დამატება იმავე რეგიონში და აღნიშნული მოქმედებების შესახებ წერილობითი ფორმით დაუყოვნებლივ ეცნობოს შემსყიდველ ორგანიზაციას;
12. საქართველოს მთავარ პროკურატურაში, ქ. თბილისის პროკურატურაში და რეგიონალურ ცენტრებში არსებულ საოლქო პროკურატურებში ასანაზღაურებელი დოკუმენტებისათვის საფოსტო ყუთების განთავსება;
13. სსიპ აღსრულების ეროვნული ბიუროს ცენტრალური ოფისში და რეგიონალურ ცენტრებში არსებული აღსრულების ეროვნული ბიუროს რეგიონალური ბიუროების ოფისებში ასანაზღაურებელი დოკუმენტებისათვის საფოსტო ყუთების განთავსება;
14. არანაკლებ ბოლო 2 (2012-2013) წლის განმავლობაში პრეტენდენტის მიერ დაზღვეული ორგანიზაციების ჩამონათვალი;

მომსახურების გაწევის სავალდებულო ვადაა 2014 წლის 1 მარტიდან 2016 წლის 1 მარტამდე;

დაზღვევა ასევე უნდა ითვალისწინებდეს:

- ა) ხელშეკრულების გაფორმებამდე არსებული დაავადებების მკურნალობის ხარჯების ანაზღაურებას, გამონაკლისებში ჩამოთვლილი შემთხვევების გარდა.
- ბ) დაზღვეულის მიერ გაკეთებული თავისუფალი არჩევანის საფუძველზე, არაპროვაიდერ კლინიკებში გაწეულ მომსახურებებს და წარდგენილ დოკუმენტაციაში დაფიქსირებული ფასებით თანხის ანაზღაურებას.
- გ) დაზღვეულის მიერ სამედიცინო მომსახურების ხარჯების გადახდის შემთხვევაში, ყველა დოკუმენტის წარდგენისას 200 ლარამდე სადაზღვევო თანხის ანაზღაურება უნდა მომხდეს ადგილზე, ხოლო 200 ლარზე მეტი თანხის ანაზღაურება უნდა მოხდეს დაზღვეულის მიერ ანაზღაურების მიღებისთვის აუცილებელი ყველა დოკუმენტის წარდგენიდან 10 (ათი) დღის ვადაში.
- დ) ხელშეკრულების დადების მომენტისათვის ორსულობის ნებისმიერ ეტაპზე ორსულთა დაზღვევას და ორსულობასა და მშობიარობასთან დაკავშირებული ხარჯების ანაზღაურებას.
- ე) ფონდი 10000 ლარის ლიმიტის ოდენობით, 1 წლის განმავლობაში I და II ჯგუფის პაკეტებში გაუთვალისწინებელი მომსახურების ჰოსპიტალურ შემთხვევებზე.

ჯანმრთელობის დაზღვევის გამონაკლისები

- სხეულის განზრახ თვითდაზიანებითა და იმ შემთხვევებით გამოწვეული დაავადებების ხარჯებს, როდესაც დაზღვეული განზრახ იგდებს თავს საფრთხეში, გარდა იმ შემთხვევებისა როდესაც ის მოქმედებს სხვისი სიცოცხლის გადარჩენის მიზნით;
- ალტერნატიული მედიცინის (აკუპუნქტურა, ჰომეოპათია, მანუალური თერაპია, სუჯოკთერაპია, და ა.შ.), სანატორიულ-საკურორტო მომსახურების, სარეაბილიტაციო პროცედურების, ბიოლოგიური სითხეებისა და ქსოვილების საზღვარგარეთ დიაგნოსტიკისა და თვითმკურნალობის ხარჯებს;
- ბიოლოგიურად აქტიური ან/და კვებითი დანამატების, ნივთიერებათა ცვლის მარეგულირებელი საშუალებების, შაქრის შემცველების, იმუნომოდულატორების, იმუნოდეპრესანტების, ფსიქოტროპული საშუალებების, არარეგისტრირებული მედიკამენტების, პარასამკურნალო საშუალებების, პროტექტორების, ონკოპროფილაქსიის ანტიმიკრობული პრეპარატებით მკურნალობას, პირადი ჰიგიენის ან/და მოვლის საშუალებების(კბილის პასტა, შამპუნი, პირის ღრუს საველები, თმის სამკურნალო და მსგავსი საშუალებები) შეძენასთან დაკავშირებულ ხარჯებს;
- ეგზოპროტეზების და დამხმარე საშუალებების (სათვალე, კონტაქტური ლინზები, სმენის აპარატი, კომპრესიული გეტრები, ბინტი, შპრიცი, ბამბა, წნევის აპარატი,თერმომეტრი და მსგავსი საშუალებები) შეძენასთან დაკავშირებულ ხარჯებს.
- პროფესიული ან სამოყვარულო/სარისკო სპორტის სახეობებში (ზამთრის, წყლის (გარდა ცურვისა), საჰაერო, სიჩქარეზე შეჯიბრი, კლდეზე ცოცვა, ალპინიზმი, ნადირობა)მონაწილეობასთან დაკავშირებული ჯანმრთელობის პრობლემებისა და მდგომარეობების დიაგნოსტიკისა და მკურნალობის ხარჯებს;
- ნარკომანიის, ტოქსიკომანიის, ალკოჰოლიზმის, ასევე მათი გართულებების დიაგნოსტიკისა და მკურნალობის ხარჯები; პლასტიკურ (კოსმეტიკური დარეკონსტრუქციული) ქირურგიასთან ; წონის კორექციასთან, ორგანოთა და ქსოვილთა ტრანსპლანტაციასთან, მხედველობის კორექციასთან დაკავშირებულ ხარჯებს;
- შიდსის და ვირუსული ჰეპატიტების (A ჰეპატიტის გარდა), დიაგნოსტიკისა და მკურნალობის დარჯები(პირველადი დიაგნოსტიკის გარდა);
- დიალიზის და პლაზმაფერეზის ხარჯები; თანდაყოლილი და გენეტიკური დაავადებების, ფსიქიკური და ქცევითი აშლილობების, დიაგნოსტიკისა და მკურნალობის ხარჯებს; ფსიქოთერაპევტის და ლოგოპედის ხარჯებს.
- აბორტის ხარჯებს (გარდა სამედიცინო ჩვენებისა). პროფილაქტიკური ვაქცინაციის და იმუნიზაციის ხარჯებს(ანტიტეტანური და ანტირაბიული იმუნიზაციის გარდა); რეპროდუქტოლოგიის, უნაყოფობის, იმპოტენციის გამოკვლევის და სამედიცინო მომსახურების ხარჯებს; კონტრაცეფციის, ოჯახის დაგეგმარების, ხელოვნური განაყოფიერების, სტერილიზაციის, სტერილიზაციის შემდგომი რეპროდუქციული უნარის რეაბილიტაციის ხარჯებს; უპირატესად სქესობრივი გზით გადაცემულ დაავადებათა სამედიცინო მომსახურების ხარჯებს;
- მკურნალობის ხარჯებს, რომელიც საჭირო გახდა დაზღვეულის ომში, აჯანყებაში, სამოქალაქო არეულობაში ან კრიმინალურ ქმედებაში მონაწილეობის შედეგად, აგრეთვე თავისუფლების აღკვეთის პერიოდში გაწეული სამედიცინო მომსახურების ხარჯებს;
- სახელმწიფო, მუნიციპალური და სხვა სადაზღვევო კომპანიის პოლისით გათვალისწინებული სამედიცინო მომსახურების ხარჯებს.

სახელმწიფო შესყიდვების შესახებ ხელშეკრულების პროექტი

CPV – 66500000

ქ. თბილისი

----- 2014 წელი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

1. ხელშეკრულების დამდები მხარეები

ერთის მხრივ ----- (შემდგომში „შემსყიდველი“) ----- სახით და მეორეს მხრივ, ----- (შემდგომში „მიმწოდებელი“) მისი ხელმძღვანელის ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, № ----- ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

- 2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.3. „დღე“, „კვირა“, „თვე“ – კალენდარული დღე, კვირა, თვე.
- 2.4. „შემსყიდველი“ – ორგანიზაცია, რომელიც ახორციელებს შესყიდვას.
- 2.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი

- 3.1. თანამშრომლების და მათი ოჯახის წევრების სიცოცხლისა და ჯანმთელობის სამედიცინო სადაზღვევო მომსახურება.
- 3.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.

4. ხელშეკრულების ღირებულება

- 4.1. ხელშეკრულების ჯამური ღირებულება შეადგენს ----- ლარს.
- 4.2. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

5. ხელშეკრულების შესრულების კონტროლი

მიმწოდებლის მიერ ხელშეკრულებით ნაკისრი ვალდებულებების შესრულების კონტროლს ----- შემსყიდველის მხრიდან განახორციელებს -----.

6. შესყიდვის ობიექტის მიღება-ჩაბარების წესი

- 6.1. მიმწოდებელმა წინამდებარე ხელშეკრულებით გათვალისწინებული შესყიდვის ობიექტის მიწოდება, კერძოდ: თანამშრომელთა სიცოცხლისა და ჯანმთელობის სადაზღვევო მომსახურების გაწევა უნდა უზრუნველყოს 2014 წლის 1 მარტიდან 2016 წლის 1 მარტამდე.

6.2 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით. შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს წინამდებარე ხელშეკრულების მე-5 მუხლში მითითებული პირ(ებ)ი.

7. გარანტია

7.1 მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

7.2 ამ გარანტიის კონკრეტული პირობები განისაზღვრება ხელშეკრულების სპეციფიკური პირობებით.

7.3 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

7.4 მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

8. ანგარიშსწორება

8.1. ანგარიშსწორება მოხდება ლარებში

8.2. გადახდის ფორმა - უნაღდო

8.3. ანგარიშსწორება განხორციელდება ყოველთვიურად, მხარეთა შორის მიღება-ჩაბარების აქტის გაფორმების საფუძველზე მიღება-ჩაბარების აქტის გაფორმებიდან 30 (ოცდაათი) დღის ვადაში.

8.4 სახელმწიფო შესყიდვის დაფინანსების წყარო -----;

8.5. წინასწარი ანგარიშსწორება (ავანსი) არ გამოიყენება.

9. ფასები

9.1 ხელშეკრულებაში განსაზღვრული ფასის ცვლილება დასაშვებია მხოლოდ შემდეგ შემთხვევებში:

ა) საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ზე მეტი ოდენობით გაზრდა).

9.2 ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

10. ფორს-მაჟორი

10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;

10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით, ან სხვა გარემოებებით;

10.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ.

11. მხარეთა ურთიერთობა

11.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს იგზავნება საფოსტო გზავნილის სახით;

11.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

12. ხელშეკრულების პირობების შეუსრულებლობა

12.1. ფორს-მაჟორული გარემოებების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე, ხელშეკრულების ღირებულების 0.1 %-ის ოდენობით, ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 0.1 %-ს, რომლის გადახდა მოხდება მისთვის ასანაზღაურებელი თანხიდან გამოკვეთვის საშუალებით ან მის მიერ ამ თანხის გადახდით შემსყიდველის წერილობითი მოთხოვნის მიღებიდან 5 (ხუთი) დღის განმავლობაში.

12.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს ცალმხრივად შეწყვიტოს ხელშეკრულება.

12.3. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,1 %-ის ოდენობით.

12.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

13. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

12. ხელშეკრულების შესრულების გარანტია

14.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, ტენდერში გამოიყენება გარანტირების მექანიზმის შემდეგი სახე - საბანკო გარანტია, ხელშეკრულების საერთო ღირებულების 2%-ის ოდენობით.

14.2 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულების უხარისხოდ, არაჯეროვანად, არასრულად შესრულება და სხვა) შემთხვევაში, მიმწოდებელს საბანკო გარანტიით გათვალისწინებული თანხა არ დაუბრუნდება).

14.3 საბანკო გარანტიის მოქმედების ვადა მინიმუმ 30 დღით უნდა აღემატებოდეს შესყიდვის ობიექტის მიწოდების საბოლოო ვადას.

14.4 მიმწოდებელს ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმებიდან 5 კალენდარული დღის ვადაში.

15. გადასახადები

მიმწოდებელი პასუხს აგებს მომსახურების გაწევის შესრულებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში.

16. დამატებითი პირობები

16.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით.

16.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16.3. ხელშეკრულება შედგენილია ქართულ ენაზე, იდენტური შინაარსის 3 ეგზემპლიარად, რომელთაგან თითოეულს აქვს თანაბარი იურიდიული ძალა, ორი ეგზემპლიარი რჩება შემსყიდველთან, ერთი მიმწოდებელთან.

15. მხარეთა რეკვიზიტები:

„შემსყიდველი“

„მიმწოდებელი“

პრეტენდენტის დასახელება _____

ჯგუფის დასახელება	პაკეტის დასახელება	რაოდენობა	ერთეულის ფასი	საერთო ღირებულება
1	2	3	4	5
I ჯგუფი				
II ჯგუფი				

პრეტენდენტის ხელმოწერა _____